

BODO (CODE: 192)
CLASS-XII
(April 2021-March 2022)

TERM – II (Answer Key)

SECTION-C
GRAMMAR APPLICATION (20 Marks)

1.

- (क) फिन: बर' रावनि सुबुंसाइया गासै मोनथाम। बेफोर जादों- सेथि सुबुंसाइ, नैथि सुबुंसाइ आरो थामथि सुबुंसाइ।
- (ख) फिन: थाइजानि सिफाइजायै गुबै सोदोबफोरखौनो थारजा होननानै बुंनाय जायो। जेरै- जा, माव, हम, थां, फैं बायदि बायदि।
- (ग) फिन: गाहायाव सोदोब दाजाबदानि मोननै बिदिन्थि होनाय जाबाय-
गोरा : बोलो + गोरा = बोलोगोरा
गिरि : फोरों + गिरि = फोरोंगिरि

2.

- (क) फिन: जाय सोदोबफोरखौ बिजिरनो हागौ एबा बिजिरनानै सोदोबथि मोननोबो हागौ बेफोर सोदोबखौनो दानाय सोदोब बुडो। दानाय सोदोबाव जेब्लाबो मोनसे बाहागोआव गुबै सोदोब आरो गुबुन मोनसेयाव दाजाबदा थायो। जेरै- हा+ख'र=हाख'र; माइ+बिहुं=माइहुं।
गाहायाव मोननैसो बिदिन्थिनि गेजेरजों रोखायै फोरमायनो लाबाय-
(i) बर' रावाव जिब-जुनारनि मुंखौ 'मि' गुबै सोदोबनिफ्राय दानाय जायो। जेरै- मि+सौ=मोसौ; मि+सा=मोसा; मि+देर=मैदेर; मि+फुर=मुफुर।
(ii) दाउफोरनि मुंखौ 'दाउ' गुबै सोदोबनिफ्राय दानाय जायो। जेरै- दाउ+सि=दाउसि; दाउ+खा=दाउखा; दाउ+ब'=दाउब; दाउ+थु=दाउथु; दाउ+राइ=दाउराइ।
(iii) 'हा' गुबै सोदोबनिफ्राय दानाय सोदोबफोर। जेरै- हा+सार=हासार; हा+बु=हाबु; हा+दर=हादर; हा+गोदान=हादान; हा+गोजौ=हाजौ।
- (ख) फिन: खायफा मानसिया गाज्जि खामानि मावनो सिं सिं जोबोर थुलुंगा होयो आरो हेफाजाबबो होयो। नाथाय बे मानसियानो गाज्जि हाबा मावग्रा मानसिनि गाज्जि आखुखौ जेरावबो फोसावद्ला बायो। बेबादिनो सिं सिं थुलुंगा होनानै गाज्जि हाबा मावग्रा मानसिनि गाज्जि मुं फोसावद्ला बायनायखौ बे बाथा भावजों फोरमायनाय जायो।

3.

- (क) फिन: थारजा सोदोबनि आवगायाव जनानै खाथि-गोजान, सिमा, दं-गैयै, रुजुनाय बेफोर बादि सोदोबथि दिन्थिनानै जाय बिसुं जायो बेखौनो महरथि बिसुं बुडो।

महरथि बिसुंआ गोबां बाहागोनि दंब्लाबो बेफोर बाहागोनि गासिबो महरथि बिसुंखौ बर'वाव नुनो मोनजोबा। बर' रावाव बाहायजानाय माखासे महरथि बिसुंखौ गाहायाव दिन्थिनाय जाबाय-

- (i) **गैयै दिन्थिनाय:** धोरोम गैयै > अधोरोम; आसार गैयै > अनासार; लावरि गैयै > आलबरि बायदि बायदि।
- (ii) **गोरोबनाय दिन्थिनाय:** लाइ-बादि > लाइमोन; मु-बादि > मुसुखा बायदि बायदि।
- (iii) **खनले खनले दिन्थिनाय:** सानफा सानफा > सानफ्रोम; न'फा न'फा > नफ्रोम; खनफा खनफा > खनफ्रोम; आगानफा आगानफा > आगानफ्रोम।
- (iv) **सिमा दिन्थिनाय:** जिउखौ बारै > जिउ थाजासे; गोहोखौ बारै > गोहो थाजासे; बिखानि गेजेर > जेरबा।

बेफोरनि अनगायैबो बोसेब, दानख्लाब, दोसो, देथाब, नारथ'म बायदि सोदोबफोराबो महरथि एबा बिथारजा बिसुंआव गोग्लैयो।

(ख) फिन: थारजा एबा सोदोबनि उनाव गुबुन गुबुन सोदोबथि दिन्थिनो जाय सिनफोरखौ फज'नाय जायो बेखौनो दाजाबदा बुडो।

बर' रावाव दाजाबदाया गासै मोनब्रै बाहागोनि दं। बेफोर जादों-

- (i) थारजा दाजाबदा
- (ii) सोदोब दाजाबदा
- (iii) जो आथोन दाजाबदा
- (iv) बेखेवफा दाजाबदा

SECTION-D LITERTURE (20 Marks)

4.

(क) फिन: गोनोखोगोनां साननाय-हनायजों माबा बेसाद एबा जाथाइ बिसार-बिजिर खालामनो हानाय गोसोनि गोहोआनो जादों गोनोखोआरि गोसो।

(ख) फिन: 1228 मायथाइनि उनाव थाइ आह'म फोलेरनि माहारिफ्रा कामरुप हादाबाव हाबफैनानै बर' राजाफोरखौ फेजेनफैनानै राइजोखौ सेनानै लाफैयो।

(ग) फिन: बे गिलिर राइजो जानाय बिबानखौ रावबो जेब्लाबो थाब्रोम नागारनो हाया। अननाय-अनजानायनि गेजेरजोंनो संसार एबा राइजो जानाया। नाथाय रावखौबो रावबो अननायनि गेजेरजों लोगोआव लांफानोबो हाया। बेनिखायनो सुबुंनि संसार जानाया थिखा मावनाय बादि खामानि जोबागौमानि मुखुब थानाय, नाथाय खामानि जोबोब्ला फिन थांफिननाय बादि।

5.

(क) फिनःआथिखालनि मुगाया जादों गोसोखौ उदाडै दोननायनि मुगा, गोसोखोनि गासै खान्थियावनो बे उदां गोसोनि गोनांथिया बांसिन। जों जौगानाय समाज लोगोसे हादरनि मिजिं खालामनोब्ला जौनि गोसो मेलेमाव गोसोखोआरि सानथाय एबा गोसो दानो नांगोन। नडाब्ला जौनि हादरा सोदोमसिनि दावगा लामायाव जोबोर उन जाना थागोन।

गोनोखोआरि गोसोनि बिगुमा जानो सोरबा सासे सुबुडा गोसोखोनि गोजौ डिग्रि गोनां जानायनि गोनांथि गैया। नाथाय, गोसोखोनि गोजौ डिग्रि थानानैबो सोरबा सुबुंहा गोसोखोआरि गोसो थायाबो जानो हागौ, थामहिनबा बेयो सोलिबोनायखौ फोथायगा एबा खाना फोथायगाबो जानो हागौ। समाजनि लेखाफरा रोडि, गामिनि सुबुं सासेयाबो गोसोखोआरि गोसोनि बिगुमा जानो हागौ।

(ख) फिनः सिदनि एण्डेलखौ बर'फोरा अननानै 'गामिनि ब्राइ' होननानै गाबजियोमोन। मानोना बिथाडा बर' गामि गेजेर गेजेर थाबायदिंबायना बर'फोरनि हाबा-हुखा, दामनाय-देनाय, मोसानाय-मुसुरनाय, रंजानाय-बाजानाय, जेरावबो नुजाहैना बिसोरनि गोसो खंखरआव उरफलेहाबना बर' हान्जामानि आसारफोरखौ बुरन-बुसि सोलोनो नाजायोमोन आरो बर'फोरनि सुखु-दुखुनि बुल्लियाव गावबो गसंफायोमोन।

रेभारेण्ड सिदनि एण्डेलआ सोरनिबा नख'राव मानसि थैब्लाबो दुखु-दाहानि विबान लाफाहैनो आरो बर'फोरनि गोथै बोगारनाय बाउगारनाय आसारफोरखौ बुथुमनो गुरब्ला नुजाहैयोमोन। बबेबा गामियाव सल' खिन्थानो गोरों बर'ब्राइ दंब्ला सल' लिरथुमनो बे गामियावबो गुरब्ला नुजाहैयोमोन। बबेबा गामियाव समायना रमायना गोमो गोथां बाथ'गां गाबनि आगर गोनां बर' सि दंब्ला बेयावहायबो एण्डेलआ बर' सिनि फट' सेबखांनो सहैयोमोन। बबेबा गामियाव मेथाइ खननो गोरों मानसिफोर दंब्ला बर' खुगा मेथाइफोरखौ लिरखांनो बेयावबो हामफला-सिफला नुजाहैयोमोन। बेफोर थांखिखौनो लानानै एण्डेलआ बर' गामि गामि थाबायदिडोमोन।

6.

(क) फिनः प्रमद चन्द्र ब्रह्मआ सासे राफोद रायथाइगिरि। बिथाडानो बर' रायथाइनि महर, सानसि आरो मुसिनि बिथाखौ गोरायै दानानै होयोदोंमोन। अलंबार, हाथखिं-हाला, सानसि आरो मुसि लाइसिफोराव बिथानि बायदिसिना रायथाइफोरा ओंखारदों। बिथानि सुजुनाय 'हाथखिं-हाला'याव 'बैसागु', 'फाग्लि' आरो 'जोहोलाव दैमालु' रायथाइया ओंखारदोंमोन।

'बैसागु' रायथाइनि गेजेरजों रायथाइगिरिया बर'फोरनि बै समनि बैसागु खुंनायखौ नुना दुखु फोरमायनाय सानसिया रोखा बेरखांदों। बिथाडा बर'फोरनि बैसागु खुंनायनि सोमोन्दै औरै बुंदों- 'गैमारलिया होमब्ला बर'नियाव बैसागुवा ? अनसुलि माइनाव, बिलाइजों बारजों, जोमैजों जरनाजों, बारलां गावथां, सावनारजि, अराय-सिखोला, सुगलायहोग्रा बार, बिखौ दानिया बर'आ गोसो थोलिया ! जिउवानो गैलिया जायहा जिउवा

बिहा माबरै मोसाखांनो। बेखायनो गैलिया जायहा माबरै बियो मोजां मोन्नो ? मैयासो संनायखान्थि गैजारोडै गोसोनि फिनरोडै, गोथाडै गोरान पुर्णिमा, अमाबस्या, महालया, लक्ष्मिफुजाफोरजॉल' जाहाबजासै बर' सिखलाफोर ! बेनि सायाव खैदां-खैफोद, उखैनाय-गांनायफोरबादि मेगन गोसा मोधाइया साबफानानै स'नायाव सुवासो जालायलांबाय।' बिथाडा बे रायथाइनि गेजेरजॉ बर' फिसाफोरखौ हाजार खैदां-खाफोद फेब्लाबो बैसागु रंजानायखौ नागारनो होआखै।

'जोहोलाव दैमालु' रायथाइयाव लिरगिरिया मालाय हारिनि गेदेर उन्दै गासिबो खौराडानो लेखायाव सिखारजोबबाय नाथाय बर'नियाल हेव जाबाय होनना बुदों। गाव हारिनि जारिमिनखौ गाव लिराब्ला गुबुना लिरना होआ होननानै फोरमायदों। बे रायथाइयाव जोहोलाव दैमालुनि दुखुगोनां जिठ जारिमिनखौ सल'नि रावजों फोरमायलांनो थैनोसै समाव जोहोलाव दैमालुवा गोसोजों साव होलांदों होनना एरै फोरमायदों- 'बर'फोर, जेरैनो सासे देरनायखौ नायनो हाया जादों, जेरै राइजो फिसा बेंग्रा जोहोलावनि जिठखौ सानस'नो हाया नोंसोर फोजोबलांबाय, बिखौ एसेबो सिनायनो, मानि रोडाखिसै, औरैनो रावबो जोहोलाव गेदेर नोंसोरनि गेजेराव दा उजिथों ! गावजों गावनो मेगन सानानै मानिलायाजानानै नोंसोर गोदोलांगोन, हाजो खर'आव खारखो खारखो थैजोबनांगोन। हालिया, हालिया थांनोसै ! थांनोसै आं हिरिम्बा राइजो, बर' बिमा आंनि।'

बे रायथाइनि सानसि, सोदोब आरो खबाम बाहायनायनि आद'बा खन्थाइबादि।

'फागिल' सल'आव मपासानि सल'नि साया लाना लिरनाय अनजालु गोरया आह'म बर'नि गेजेराव जानायनि समनि दोंसे गिलु-बालु सल' खिन्थादों। सासे खाफाल दाखुरि खर' गाज्जि बर' हिन्जावा डिमापुर नोगोराव बिफा थैजानाय आरो दाननैसो उनाव फिसाइ आरो उजिगोदान गथ' थैजानाय आरो आह'म सारा गाहाइनि मेगन थिफाइसन्नायाव अरणवारियाव गोथां गोथिडैनो बैसाडाव सांगिना दोनहैनाय आरो बेवनो थैनांनाय बाथाया रोखा जाबाय जेब्ला बिजों गावथार जानाय दाउमासार दाउखौ आबुडै लायनो थाखाय हाखराव ओंखारलाडो। बे सल'आनो बे रायथाइयाव रोखा बेरखांदों।

रायथाइगिरि प्रमद चन्द्र ब्रह्मनि 'सोरबा' रायथाइया थारैनो सानसिजों आबुं जानाय गोजौ थाखोनि रायथाइ। बे रायथाइनि गेजेरजॉ रायथाइगिरिया अबंलाउरि एबा आनान गसाइखौ संदाननानै गोथौ सानथौनि बाथा फोरमायदों। आनान ग'साइ एबा दोहोरोमनि बाथाया गुबुन गुबुन रावनि थुनलाइफोरावबो गोबां गोसारना दं। नाथाय थुनलाइनि गाब होनानै सन्दे-बन्दे बेबादि इसोरनि बाथा फोरमायनाया थारैनो गुबुन गुबुन रावनि थुनलाइफोरावबो मोन्नो थाडा।

'फोर्ला बाबाजि आरो बर'नि हारिमु' रायथाइयाबो जोबोद बेसेन गोनां रायथाइ। बेयाव ब्रह्म दोहोरोमनि गुरु कालीचरण ब्रह्म आरो बिथानिनो आगदा आखान्थि फोर्ला

बाबाजिनि गेजेराव बर' हरिमुनि गोनां आयदा खाम-सिफुं-जथाखौ लानानै बाथा दान्थेलायनाय आरो उनाव फोर्ला बाबाजिनि बानबुंथाइयानो गनायजानायनि बाथाखौ रायखांना लिरदों। बिथाडा बुंदों- 'बर'नि हरिमुवा गोमाब्ला बर' हरिया गोमालांगोन, दालाइ बिलाइखौ थाखलायब्ला बिफाडानो थैथारनायबादि।' बे रायथाइनि गेजेरजों फोर्ला बाबाजिनि बर' हरिमुनि गोनां आयदा खाम, सिफुं, जथा, सेरजाखौ लाखिनायनि गोनांथि आरो रायथाइगिरिनि बाथौ दोहोरुम फारसे अनसायनाय आरो फोथायनाया रोखा बेरखांदों।

(ख) फिनः'गोथां गाब गाथोंसै' खन्थाइया अन्जु नारजारिनि दोंसे खन्थाइ। बे खन्थाइ दोंसेनि गेजेरजों खन्थाइगिरिया बुहुमनि सुबुंफोरनि गोसोनि साननाय-हनाय, हास्थायनाय, सिमां, मिजंफोरा मोगथाडाव जाफुंसारथोंसै थामहिनबा साफ्रोमबो सुबुंनि गोर्बोआव अराय गोथां गाब गाथोंसै होननानै फोरमायदों।

बुहुमनि साफ्रोमबो सुबुंनि गोर्बोआ मोनफा मोनफा हासार गोनां जाहार बादि, जेराव हास्थायनाय, साननायजों खामानिखौ मावफुंनो हायो। सुबुंनि गोर्बो एबा जिउआव गोदान गोदान साननाय-हनाय, सिमां-मिजंफोरा अरायबो थानानै थाबाय थार्थो बेखौनो खन्थाइगिरिया हास्थायदों। मानोना, बुहुमनि साफ्रोमबो सुबुडा गोदान गोदान साननाय-हनाय, सिमां-मिजंफोरखौ लानानै थाना थायो। हासार गोनां हायाव जाय बेगरखौ फोयोब्ला रज'यो थिक बेबादिनो सुबुंनि गोर्बोआवबो मोजां मोजां साननाय-हनायफोरा जायगा लायोब्ला जाफुंसार जानायनि खाबु मोनो। जेरैबादि बयबो सुबुडा गोसो-गोर्बोनि साननाय-हास्थायनाय, लुबैनाय-गांनायजों जुजियै जुजियैनो जाथावथारै बेसेबांबा गोब्राब जैनाखौबो जाफुंसार होनो एबा सुफुंनो हाहैयो। बिदिन्थि बादियै- उरिस्थानि आंखालजों बुंफबना थानाय थामहिनबा अखा बांखा गैयि रानसाव जायगा कालाहान्दि बादिखौ थाजिम खालामनो हादों। जायनि जाहोनाव सुबुंनि जिउआव दुखु-दाहाफोरखौ खारहोनो हायो। अदेबानि सिगांनि साननाय-हास्थायनाय, सिमां-मिजंफोरा जाफुंसारनायनि उनाव आरोबाव गोर्बोआव गोदान गोदान सिमां, मिजिं रनसायफिननो हायो। रानसाव बैसोमुथिखौ अखानि दैया जेरै गोजोन होनो हायो बिब्दिनो गोर्बो हासारजों सुबुंनि गोर्बोखौ थाजिम खालामनो हानायनि फुंखा होनो हायो।

बेनिखायनो, खन्थाइगिरिया जोबथारनाय खलबाव बुंदों- "गोथां गाब गाथोंसै" थामहिनबा बुहुमनि साफ्रोमबो सुबुंनि गोर्बोआव गोदान गोदान साननाय, हास्थायनाय आरो मिजंफोरा अराय थाबाय थार्थोंसै होननानै।